

Малчнр дунд гегән-герлин кōдлмшиг ясрулхмн

Мана орн-нутг коммунизмин делгү тосхлтд орчкен цагт идеологическ кōдлмш—эрки ах гол тōр гидж КПСС-н XXI хург шиндсн болдг. Промышленности болн селәнә эдл-аху джил, сар ирвās, цуг аргъ-чидлән олзлад, ик диилвртāгъяр зурагъан болн даалгъвран кӯцāгъяд, улм-улмар оōдлж йовцхана.

Эдл-ахугъин уралап йовдж йовх ним ик джисәнās цуг амтнā санансерл, ухан-седкл ард хоцрх зōв уга. Олд туста кōдлмшт коммунистическ хālāц болн седкл зүүдж кōдлтхā гидж цагин йовдл кӯн болгънас некджәнā.

Идеологическ кōдлмшт гегән-герлин халх кōдлмш ик орм эзлджана. Тиим учр-зōвиг тӯрӯн болдж коммунистнр партийн организац медх зōвтā.

Яшалтинск района кӯцāгч комитетин гегән-герлин āнъг (заведующий Старостин) гегән-герлин кōдлмшиг муугъар делгрӯлдж йовна гидж келдж болшго.

Района колхозмудт болн совхозмудт, школмудт болн нань чигн предприятие самодетельн художественн 40 шаху кружокс кōдлнā; эдн хара биш концерте клубсар, бригадсар йовдж үзүлв. Яшалтинск района центрт самодетельн драматическ театр секгдсн, ода кōдлджәнā, районд культурин 2 Гер (Яшалта болн Соленое селāдт) кōдлнā. Эдн хара биш нār-наад гаргъна.

Районд кōдлджāх 26 киноустановкин ик зунь джилā зурагъан давулдж кӯцāв. Колхозмудин болн совхозмудин клубсд (центральн усадьбс) кино-зургуд асхн болгън үзүлгднā, бригадст болн фермст одрōнджāд, зāрмдāн долан хонгт хойр, гурв дакдж үзүлгднā.

Ленинā нертā, Кировин нертā, Сталинā нертā колхозмудин болн «Победа» колхозин, 105-ч болн 383-ч совхозмудин клубсд багъчудин болн литературн асхн болна, наадн гаргъгднā.

Клубмудар хара биш оln зүсн тōрār: политическ, естественн-научн, бурхн-шаджна оманс кегч цā-āлгъврин тōрмӯдār лекце болн докладмуд умшгднā.

Оln умшачнриг дегтрār теткдг библиотекс кōдлнā. Библиотекст болн клубсд плакатмуд, лозунгс, зургуд Кӯндллгънā доске бāнā.

Болв гегән-герлин кōдлмшār дуту-дунд йовдлмуд чигн багъ бишнй ил. Одахн, ноябрин 27-д болсн, КПСС-н райкомин бюрон заседаньд гегән-герлин кōдлмшин делгрлт сонъсгдāд, тер дуту-дунд хамг келгддж заагдв.

Кеер, теегт бāх малин, хōнā бригадсар гегән-герлин кōдлмшин делгрлт селән газрар кегддж йовх кōдлмшлā дӯнъцүлхлā, ик ард үлдж. Малчнрин, хōочнрин хошмудт культурин халхар бāх клубсин, библиотексин кōдлāчнр хая-хая цагин селгāгъяр ирцхәнā. Малчнрин бригадст сонън сāн дегтрмӯд, журналмуд йир цōн, кесгтнй нам тōрӯц уга. Газетсиг цуглулджагъяд, долан-нā-āmн хонгт нег кӯргнā.

Зāрм бригадсар бāх хуучн дегтрмӯд шинрүлгддж сольгдхш. Клубсар кōдлджāх нār-наадна эрмин кружоксас хол бāх малин бригадст одад, нār-наад үзүлдж, теегт бāх малин амтиг сергāджāхмн уга. Района колхозмудин болн совхозмудин хōнā бригадмудин ик зууднй культурин кōдлмшин тетквр сāн биш, нам зāрмднй юн чигн кōдлмш кегдджāхш гидж лавлдж келх кергтā.

Увлин цаг эклв, малмуд үвлэх бāрндāн зогсв, малчнр болн хōочнр цуглрдж, шишлнй малиннй, хōодиннй оōр одр-сō уга кōдлцхāв, Увлин сō утдв. Иим цагла гегән-герлин кōдлмшиг малчнр дунд икār кех зōвтāвдн. Радио тасрхан уга кōдлх, оln зүсн дегтрмӯд, газет, журналмуд, патефон, дōов, шатр, домино,— цугтан бригадмудт бāх зōвтā. Эджго теегт малар бāх амтн, маласн давдж ю чигн эс үздгнй ик му. Эн тōрт гегән-герлин кōдлмшин ч болн ач-тус малчд омг-седкл ургъахнй, ухан-серл огх зōвтāнй ил тодрха. Тер учр зōвиг тодлдж медэклц партийн организац, коммунистнр болн комсомольцнр, культурин кōдлāчнр болн селәнā цуг интеллигенц батта кевār, оргār, одр-сō уга гегән-герлин кōдлмшиг малчнр, хōочнр дунд делгрӯлх зōвтā. Цуг эн тускар КПСС-н райкомин бюро партийн организацт болн района гегән-герлин āнъгд заавр огв.

Колхозмудин болн совхозмудин клубс, нег үлү бригадсин болн фермсин клубс, района гегән-герлин āнъгās болн гегән-герлин учрежденъсās дōнъ-түшг некджәнā. Анъгин болн гегән-герлин кōдлāчнр, бāа газрин клубсин, библиотексин кōдлāчнрт огх дōнъгнй ик. Малчнрт дегтрмӯд кӯргх, дегтрмӯд теднд умшдж медүлх, клубсар кōдлджāх дракружокст заавран, селгвāн, дōнъгән огчāх кергтā гидж райкомин бюро шиидвртāн бичв.

Эн джилин үвл Яшалтинск района малчнрт болн хōочнрт зōвār кӯнд үвл болх зōвтā. Хагсу ганъгин учрар, малин хот хātār болв.

Малин хот багъ болдг болв чигн, малан, хōогъāн талдан эв-аргъар гару угагъар үвлин найнас амд-менд, чинātāгъяр гаргъхмн, — гидж малчнр, хōочнр оманн тōр тāвджәнā.

Района колхозин болн совхозин эдл-ахусин олз-орунь нургълдж малас, хōонās ордгнй ил. Тиим болхла, мана малчнр болн хōочнр колхозмудт эрки гол кадрмуд гидж тоолгдāд, теднд бидн тӯрӯн онъган, цуг килмджән, дōнъгән огх зōвтāвдн. Тиим тōриг гегән-герлин āнъгс бас сāнār медх зōвтā. Мана орн-нутг цуг эдлахуннй кӯцāнъгъүгъārн долан джилā зураг болзгаснй урд кӯцāх лавта бат девснй үүдāлгъиг 1960 джилд тōгсāхмн, — гидж одахн болсн СССР-н Деед Советин 3-ч сессий медүлв.

Эн кӯндтā ах тōрин кӯцāмджд мана малчнр болн хōочнр голлгч орм эзлхнй лавта.

Б. ДОРДЖИНОВ.